

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA ZAJEDNIČKE POSLOVE
Broj: 10-05-4353/19
Lukavac, 12.07.2019. godine

Na osnovu člana 72. stav (3), tačka a) Zakona o javnim nabavkama („Sl. glasnik BiH“, broj: 39/14) u u konkurentskom postupku javne nabavke usluga putnog zdravstvenog osiguranja - LOT 2, Pomoćnik općinskog načelnika za Službu za zajedničke poslove d o n o s i

O D L U K U
o dodjeli ugovora drugorangiranom ponuđaču za nabavku usluga
putnog zdravstvenog osiguranja – LOT 2

Član 1.

Poništava se Odluka o izboru najpovoljnijeg ponuđača za nabavku usluga putnog zdravstvenog osiguranja – LOT 2 broj: 10-05-4343/19 od 02.07.2019. godine, kojom je ugovor dodjeljen ponuđaču „Triglav osiguranje“ d.d. Sarajevo, Podružnica Tuzla.

Član 2.

Ugovor za javnu nabavku dodjeljuje se drugorangiranom ponuđaču „Osiguranje Aura“ a.d. Banja Luka, za ponuđenu cijenu u vrijednosti od 300,00 KM bez PDV-a.

Član 3.

Ponuđač iz člana 2. ove Odluke je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45. stav (2) tačka d) Zakona o javnim nabavkama BiH, navedene u tački 12.2.a) Tenderske dokumentacije broj: 10-05-4353/19, izuzev potvrde nadležne institucije o uredno izmirenim obavezama po osnovu indirektnih poreza, obzirom da je u sastavu ponude dostavio ovjerenu kopiju uvjerenja broj: 04/5-/1-17-1-46-409-1/19 od 26.04.2019. godine izdan od strane Uprave za indirektno, Regionalni centar Banja Luka da nije upisan u Jedinstveni registar obveznika indirektnih obveznika.

Ukoliko izabrani ponuđač ne dostavi traženi dokument u određenom roku, ili ga dostavi na nepropisan i nepotpun način, ugovor za javnu nabavku dodijeliće se ponuđaču čija je ponuda po rang listi odmah nakon ponude izabranog ponuđača u skladu sa članom 72. stav (3) Zakona o javnim nabavkama.

Član 4.

Ova odluka objavit će se na internet stranici ugovornog organa (www.lukavac.ba).

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-4352/19 od 13.05.2019. godine. Javna nabavka sprovedena je postupkom konkurentskog zahtjeva za dostavu ponuda. Procjenjena vrijednost javne nabavke bez PDV-a je 300,00 KM.

Obavještenje o nabavci broj: 719-7-2-41-3-60/19 objavljeno je na Portalu javnih nabavki dana 13.05.2019. godine.

Komisija za provođenje postupka nabavke imenovana Rješenjem broj: 02-05-4403/19 od 14.05.2019. godine dostavila je Pomoćniku općinskog načelnika za Službu za zajedničke poslove Zapisnik o pregledu i ocjeni ponuda broj: 10-05-4353/19 od 01.07.2019. godine, Preporuku o izboru

najpovoljnijeg ponuđača broj: 10-05-4353/19 od 01.07.2019. godine i Izvještaj o radu broj: 10-05-4353/19 od 01.07.2019. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene četiri ponude;
- da su blagovremeno primljene četiri ponude;
- da nije bilo neblagovremeno primljenih ponuda;
- da je ponuda ponuđača Wiener osiguranje VIG a.d. Banja Luka odbačena. Naime, isti je dostavio ponudu osiguranu jemstvenikom, čija su oba kraja na posljednoj strani pričvršćena naljepnicom, ali naljepnica nije ovjerena pečatom dobavljača, a što je traženo tačkom 14.2. stav 5. tenderske dokumentacije i
- da su ponude ponuđača: Sarajevo osiguranje d.d Sarajevo, Osiguranje Aura a.d. Banja Luka i Triglav osiguranje d.d. Sarajevo, Podružnica Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 300,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok obrade odštetnog zahtjeva..... 2 %

Ponuđač „TRIGLAV OSIGURANJE “ d.d. Sarajevo, Podružnica Tuzla dostavio je prihvatljivu ponudu sa cijenom u iznosu od 285,00 KM bez PDV-a i rokom obrade odštetnog zahtjeva 7 (sedam) dana i osvojio 100,00 bodova, te je u odnosu na kriterij za dodjelu ugovora rangiran na prvo mjesto.

Ponuđač „TRIGLAV OSIGURANJE “ d.d. Sarajevo, Podružnica Tuzla je dana 03.07.2019. godine putem pošte zaprimio Zapisnik o pregeledu i ocjeni ponuda, Odluku o izboru najpovoljnijeg ponuđača i obavještenje o rezultatu postupka javne nabavke, te je bio dužan da u roku od 5 (pet) dana od dana prijema, tj. do 08.07.2019. godine dostavi originale ili ovjerene kopije dokumentacije iz člana 45. stav (2) tačka d) Zakona o javnim nabavkama BiH, navedene u tački 12.2.a) Tenderske dokumentacije broj: 10-05-4353/19.

Kako je gore navedeni ponuđač dana 09.07.2019. godine na protokol ugovornog organa predao dodatnu dokumentaciju, Komisija je njegovu ponudu odbila i dala preporuku da se ugovor za nabavku usluga putnog zdravstvenog osiguranja dodijeli drugorangiranom ponuđaču „Osiguranje Aura“ a.d. Banja Luka. Isti je dostavio prihvatljivu ponudu sa cijenom od 300,00 KM bez PDV-a i rokom obrade odštetnog zahtjeva 7 (sedam) dana i osvojio 95,10 bodova, te je u odnosu na kriterij za dodjelu ugovora rangiran na drugo mjesto.

Uzimajući u obzir gore navedeno, a primjenom člana 72. stav 3. tačka a) Zakona o javnim nabavkama („Službeni glasnik BiH“, broj 39/14, riješeno je kao u dispozitivu ove Odluke.

Dostaviti:

1. WEB stranica ugovornog orgna
2. Arhivi.-



PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
(ovlaštenje broj: 02-05-1055/19 od 29.01.2019.)
Jasminka Dugonjić, dipl. pravnik